

# Bernadetta brjóstkalda

*Lag: Tom Lehrer (Irish ballad)*

*Ljóð: Höskuldur Þráinsson*

Um stúlku syng ég nú lítið ljóð,  
syng ríkkítí, tikkítí tap.  
Um stúlku syng ég nú lítið ljóð  
sem lastanna fetaði beina slóð  
og þetta var aldeilis ferlegt fljóð  
því fjölskyldu sína hún drap,  
hún drap,  
því fjölskyldu sína hún drap.

Hún byrjaði mömmunni banadrykk,  
syng ríkkítí, tikkítí tá.  
Hún byrjaði mömmunni banadrykk  
og brosandí fékk af því rosakikk.  
Sú gamla saup hann og sagði: „Hikk.“  
Og svo varð hún græn og blá,  
og blá,  
og svo varð hún græn og blá.

Einn dag þegar hún var dáldið spræk,  
syng ríkkítí, tikkítí tíð.  
Einn dag þegar hún var dáldið spræk  
þá drekkti hún pabba sínum í læk  
því karlinn hafði einhvern helvítis kæk  
sem hún kunni alls ekki við,  
ei við,  
sem hún kunni alls ekki við.

Einn dag þegar hún var að sviða svið,  
syng ríkkítí, tikkítí tafl.  
Einn dag þegar hún var að sviða svið  
og systir hennar rétt kom þar við  
þá hjó hún af henni höfuðið  
og henti því svo út á skaf,  
á skaf,  
og henti því svo út á skaf.

Og litla bróður hún beit og sló,  
syng ríkkítí, tikkítí tennt.  
Og litla bróður hún beit og sló  
og barði og lamdi uns greyið dó  
því hann hafði fengið af höggum nóg  
og hálsinn var kominn í tvennt,  
í tvennt,  
og hálsinn var kominn í tvennt.

Er amma gamla var orðin grett,  
synt ríkkítí, tikkítí tat.  
Er amma gamla var orðin grett  
og ekki sérlega mittisnett  
þá gerð hún úr henni gómsætan rétt  
og gestum svo bauð í mat,  
í mat,  
og gestum svo bauð í mat.

Og þegar löggan svo leit þar inn,  
syng ríkkítí, tikkítí tind.  
Og þegar löggan svo leit þar inn  
hún lá uppi í rúmi með bangsann sinn  
og viðurkenndi strax verknadinn  
því hún vissi að lygi er synd,  
er synd,  
hún vissi að lygi er synd.

Nú verður þett' ekki lengra ljóð,  
syng ríkkítí, tikkítí tekk.  
Nú verður þett' ekki lengra ljóð.  
Mér líkaði vel hvað þið sátuð hljóð.  
Ef ykkur fannst sagan ekki góð  
þá afleitan hafið þið smekk,  
já, smekk,  
bara alls engan listrænan smekk.